



Reykjavík, 13.04.2018  
Tilv. 2018/0281 - 0.3.01  
SGI

## **Efni: Umsögn Neytendastofu um drög að reglugerð um sprengiefni og forefni til sprengiefnagerðar**

Vísað er til máls S-42/2018 á samráðsgátt, um drög að reglugerð um sprengiefni og forefni til sprengiefnagerðar. Neytendastofa þakkar tækifærið til að tjá sig um málið og vill vekja athygli á athugasemendum er að neðan greinir.

### **I. Samræmisskjöl**

Almennt hvílir sú skylda á framleiðendum, innflytjendum og dreifingaraðilum að afhenda stjórnvöldum, þegar þörf er á, samræmisfyrlysingar og önnur gögn, til að sýna fram á samræmi vöru við viðeigandi kröfur. Slík gögn eiga að vera til staðar þegar um er að ræða vörur sem bera CE samræmismerki. Neytendastofa bendir á að í reglugerðina þarf að setja skýrari reglur um skyldur framleiðanda, innflytjanda og dreifingaraðila til afhendingu framangreindra gagna.

### **II. Tilkynningar um grunsamleg viðskipti, hvarf og þjófnað**

Í 43. gr. reglugerðarinnar er fjallað um rétt framleiðanda, innflytjanda, útflytjanda og dreifingaraðila til að hafna grunsamlegum viðskiptum. Þá er gert skylt að tilkynna viðskiptin, eða tilraun til slíkra viðskipta, þar á meðal grunsamlegar fyrirspurnir, án óþarfa tafa, þ.m.t. upplýsingar um deili á viðskiptamanninum, til ríkislöggreglustjóra. Í lokamálsgrein 43. gr. segir að tilkynna skuli um hvarf eða þjófnað á sprengiefnum eða forefnum til lögreglu.

Í reglugerð Evrópuþingsins og ráðsins (ESB) nr. 98/2013 segir að tilkynna skuli um slik atvik til landsbundins tengiliðs (e. national contact point). Neytendastofa telur því að skýra þurfi betur hver umræddur tengiliður eigi að vera og að vísun til lögreglunnar sé of víðtæk þar sem mörg embætti starfi innan lögreglunnar.

Neytendastofa bendir í því samhengi á umsögn Neytendastofu, dags. 22. mars 2017, vegna frumvarps til laga um breytingu á vopnalögum nr. 16/1998, með síðari breytingum (forefni til sprengiefnagerðar, EES-reglur), 235. mál, sjá: <http://www.althingi.is/altext/erindi/146/146-527.pdf>.

### **III. Tæknilegar viðskiptahindranir**

Neytendastofa vill benda á að mat þarf að fara fram um hvort reglugerðin feli í sér tæknilegar viðskiptahindranir. Slíkar reglur ber að tilkynna EFTA í samræmi við lög nr. 50/2000 um skipti á upplýsingum og tæknilegar reglur um vörur og fjarþjónustu, sbr. reglugerð nr.

733/2000 um tilkynningar á tæknilegum reglum um vöru og þjónustu.

Virðingarfyllst  
f.h. Neytendastofu

*Svava Ingimundardóttir.*

Svava G. Ingimundardóttir  
lögfræðingur